

## F H Sijel

F: أنا للصراحة آخر همي اذا آيا صوفيا بتكون مسجد أو كنيسة أو متحف، يعني نحنا كلبنانيين شو جايينا من الموضوع. نحنا نجيب الكهربا بالأول و بعدين منبقى منفكر بآيا صوفيا🕊🕊

أنا: الحق معك من ناحية ومن ناحية ثانية وكأنو جيت قلتك شو بدك بالقدس كمسلمة.... الموضوع مش قصة بلد.. الموضوع هوية اجتماعية ومن ضمنها دينية.. طبعاً مشان تفهميني لازم تكوني على دراية انو سقوط القسطنطينية (اسطنبول) للبعض يوازي سقوط القدس للبعض.. وع فكرة انا مني روم وعندي ملاحظات عالقسطنطينية مثل ما عندي ع روما... بس انا هم احكي تاريخ ومقارنة علمية، مش عم احكي شي شخصي.. بالنتيجة اللباني أكلها برات لبنان وب لبنان.... مثل ما قلتي.. وأسفاه..

F: انا ما عم احكي من خلفية طائفية ابداً... بس للصراحة انا آخر همي عنجد. وبالنسبة للقدس هيدي قضية عربية مختلفة جداً وفي احتلال واغتصاب لأرض فلسطين.. وتهويد القدس ما فينا نقارنو بشي تاريخي بدن يعملو كنيسة او جامع.. انا بالنسبة الي القدس والاقصى بكون مسجد او كنيسة ما بتفرق بس اكيد قضيتي انو ما يصير تهويد ويسيطر عليه الصهيوني..

أنا: عزيزتي

انا احبك واحترمك

لذلك لن استمر بالنقاش هونيك منعاً للإحراج.

بس بدني قول شي ح يفاجئك على ما يبدو

وأكرر إنني اتكلم دون زعل او حقد واكيد بالتاريخ وبصراحة وبمحبّة.

بالنسبة للمسيحيين فلسطين اغتصبت ابان الفتح الاسلامي وتحولت اورشليم الى القدس.

ما في القدس عند المسيحية!

المسلمون سموها القدس صوب عام ٨٥٠، وهي اولى القبلتين حيث كانت القبلة قبل مكة.

والاناضول (تركيا حالياً) اغتصبت منذ عام ١٠٧١ بدخول المسلمين (السلالة وليس العرب هل مرة) وأسلم كاملاً صوب ١٣٣٠. هيك بالنسبة للمسيحيين. مش أنا او إنتي شو من قول.

نحن ما بدنا حدا يعمل وسخنة مثل الصهاينة وييجي يبيد شعب بالقرن ٢١ ليرجع، بس كمان مش مقبول تصرف أردوغان.

وبالرغم من كوارث اللبنانيين، فهم معنيين بآية صوفيا لأن الروم عندن القسطنطينية (اي اسطنبول للمسلمين) مثل القدس عند المسلمين.

لاحظي الاسماء كيف تتغير بعد الفتح. وفتح بالعربية يعني احتلال.

انا حبيت إشرحك

مش انو اللبناني جلعوء

اوقات ايه ☺

بس اوقات في سبب لبعض التصرفات يلي ما عم تفهميها.

والقدس قضية إسلامية. أخذوها الصهاينة من المسلمين عملياً.

قصة العروبة بشرحك ياها شي يوم .

المسيحية اصلاً شو قلن بالقدس غير انو ذميين؟

إنتي عندك حماس وانا بقدرك!

لا هيك حبيت اتناقش معك!

سأكتفي بهذا القدر.

وانا حاضر لأي سؤال.

تصبحي ع خير

وانا وإنتي من أنصار السلام!

والسلام حين يكون الاخر مرتاح مش بس انا كون مرتاح!

F: أنا بهمني لبنان. قصة فلسطين والصهيوني ربينا عليها وعالعداء لإسرائيل. ما عندي مشكلة تكون القدس مسيحية أو مسلمة. ونفس الشي لآية صوفيا. عجد صدقاً هيك تفكيري. زما فيني ارجع بالتاريخ وحاسب الفتوحات الإسلامية. أنا بدي عيش بسلام.

ما جاوبت...

شو بدي جاوب ت جاوب

صبية شيعية "متحررة"

بدا جلسة أد ما مغسل دماغا

من ميل مش شايقة الا الصهاينة

ومن ميل مش شايقة الا لبنان ونسيت إسلامها شو بقول ومش حاسة انو المسيحيين مزعوجين من المسلمين...

